

Bouxswnjcienz Vwnzva Fwencuengh——Ouh Lizcungh

壮欢文化的领头羊——欧立忠

□ Liu Bwnjvei

“Veicangj eu fwen Ouh Lizcungh, guh hong vwnzva dwk cungfung, gyaез eu Fwencuengh banh hoihfwen, swnjcienz Fwencuengh laeb daengjdaеuz.” Youq Siengcouh Yen, gyoengqvunz baenzneix ciengq Ouh Lizcungh veicangj fwen hezvei aen yienh neix. Baez naengz ndaw yienh banh hoihfwen, cungj raen Ouh Lizcungh nyaengqnywtnywt, de boux veicangj fwen hezvei neix, vih aeu fwen Mbanjcuengh fatyienz ndei, de samcib bi dangq ngoenz he guh ndei faenh hong neix.

Ouh Lizcungh doekseng youq Siengcouh yienhsingz, daj iq gyaез sij faenzcieng caeuq soucomz fwen. Doeg cuhcungh seiz, ndaejdaengz cangh-heiq ndawbiengz Siengcouh Yen yingjyangj hainduj soucomz fwen dangdieg, “vwnzgwz” geizlaeng de daengz lajmbanj capdoih, dingqnyi bouxgeq lajmbanj yungh Vahcuengh eu fwen seiz, de couh laeglemx geiq roengzdaеuj. Camgya guhhong le, daegbied dwg dangnyaemh Yin-gyangh Cin senhconz gansw caeuq biensij cinceiq seiz, de ndaej roengz

mбанj soucomz swhliu engq lai, seizhaenx couh daengz ranz canghfwen fwngz cau 3 bonj Fwencuengh. Bi 1988 de diuh bae yienh vwnzva’ gvanj le, fucwz biensij 《Fwenhaij Lungzdanz》 caeuq 《Fwen Comz Siengcouh》 song bouh saw neix, daj seizhaenx hainduj de roxyiuj canghfwen Fwencuengh Siengcouh engq lai. Aenvih de biensij 2 bouh fwen comz neix cingzcik yienhda, ndaej Swcigih Vwnzvadingh bingz baenz bouxvunz senhcin. Bi 2005, Siengcouh Yen laebbaenz fwen hezvei, aenvih Ouh Lizcungh ndiepgyaез fwen, rox bien youh rox sij fwen, ndigah ndaej dang veicangj. Fwen hezvei dwg aen cujciz ndawbiengz he, mbouj ndaej saek faen ngaenz, hoeng Ouh Lizcungh mbouj suenqsoq. Vih caepcawq hoihfwen, de bae ra dangjveij cwngfuj, ra boux miz ngaenzcienz ok cienz ok rengz, banh ndei hoihfwen. Bi 2005 daengz seizneix, de cujciz banh hoihfwen 100 lai ciengz, bang yenveij, yen cwngfuj banh hoihfwen 10 lai baez. Doengzseiz, de yungh seizhoengq cauxsij fwen,

ndaej senj dang veicangj fwen hezvei doxdaеuj gij fwen de cauxsij haenx ndaej ciengj si gaep doxhwnj 10 lai baez. De lij lai baez guh bingzveij fwen dem, vih Fwencuengh Siengcouh Yen hwnghat roengz sim ok rengz.

Bi 2005 doxdaеuj, Ouh Lizcungh nyinhcaen guh ndei hong swnjcienz caeuq hwnghat Fwencuengh Majbingz. Bi 2005 daengz seizneix, youq Majbingz Yangh banh hoihfwen Fwencuengh 20 lai ciengz, soucomz Fwencuengh 7000 lai hot, bae cunz canghfwen Fwencuengh caeuq bouxswnjcienz 40 lai boux, sij lunvwnz mizgven Fwencuengh 5 bien. Bang Guengjsae Densidaiz, Guengjsae Yinminz Gvangjbo Dendaiz daengz Siengcouh loegguh benqciendaез Fwencuengh. Ouh Lizcungh lij caeuq vwnzva’ gvanj aen yienh neix doengz-caez roengzrengz doidoengh, hawj Fwencuengh Siengcouh youq bi 2008 ndaej liedhaеuj swcigih gaep feihvuzciz vwnzva yizcanj mingzloeg. Bi 2013, vih dajcauh vwnzva Fwencuengh Siengcouh, bauq Majbingz Yangh baenz “aenmbanj

Fwencuengh Guengjsae”, de sij gak cungj caizliuh, cingjleix mizgven dangjan caizliuh, dingh guhhong fueng’ anq, maeuzveh gizdieg swnjcienz Fwencuengh, vih Majbingz Yangh ndaej aen cwnghеuh “aenmbanj Fwencuengh Guengjsae” guh ok gungyen hungloet. Doengzseiz, de lij gungganq le buек canghfwen Fwencuengh he, aeu canghfwen rox ciengq Fwencuengh soengq hawj mizgven bumwnz son’gyauq, youq de doigawj caeuq son’gyauq lajde, Majbingz Yangh ok le boux fwen-vuengz Fwencuengh swcigih gaep ndeu, boux bouxswnjcienz Fwencuengh ndeu, 4 boux canghfwen Fwencuengh si gaep.

Aenvih Ouh Lizcungh nyinhcaen guh ndei hong fwen hezvei, gaenxmaenx roengz sim banh gak cungj hoihfwen, son’gyauq haujlai canghfwen Fwencuengh, gaenxmaenx cauxsij fwen, sij lunvwnz comz fwen, youq guenjleix caeuq cauxsij song fuengmienh guh ok gungyen yienhda, de ndaej bingz baenz “fwenvuengz mingzdaеuz Guengjsae”.

Boux Cihsub Ndei Mbanjyauz Lij Siunen

瑶家好支书李秀念

□ Siuh Fazlingz

Lij Siunen, Lingzyinz Yen Sahlij Yauzcuz Yangh Gojbuj Cunh dangj-cihbu suhgi, bi 1998 gyahaeuj Cungguck Gungcanjdangj, bi 1991 daengz neix gonqlaeng dang cunh-veijveij funij cujyin, cunhminzveij cujyin caeuq cihbu suhgi. 20 lai bi daеuj, de daiq beixnuengx Yauzcuz byaij hwnj diuz roen daegsaek vut gungz baenz fouq he.

Gojbuj Cunh bya ndoi cungj dwg namh biz, de cungfaen yungh gijndei swhyenz dienheiq caeuq diegnamh dangdieg, fatdoengh vunzlai haifwz, dawz ndoifwz Gojbuj Cunh cungj ndaem batgak, youzcaз, faex-samoeg, makgyaeuq daengj faex ginghci. Seizneix, aen cunh neix miz batgak mienhcik 10000 moux, youzcaз 8000 lai moux.

De dangguh yienh, si yinzda daiqbiuj, seizseiz vih vunzmbanj naemj, raiz daezanq, lienzhaeh mizgven danhvei ceng’ aeu ngaenzcienz bu roensuijniz ndaw mbanj. Seizneix, Gojbuj Cunh 13 aen mbanj swyenz miz 9 aen gaenq doeng roensuijniz, 4 aen mbanj swyenz roensuijniz cingq hwnjguh, ceng’ aeu bineix ndaej mbanjmbanj doeng



▲Lij Siunen caeuq gyoengq mehmbwk Lanzdenyauz.

roensuijniz.

Lanzdenyauz aen yienh neix miz gij fungsug conzdungj yungh banj-lanzgwnh guhbaenz romj, nyumx

baengz guh baengzdoj gyagoeng ndangdaenj minzcuz. 20 lai bi daеuj, Lij Siunen swnjcienz faenh dinfwngz conzdungj minzcuz neix, de yawj ndei

hawciengz, daiq mehmbwk ndaw mbanj youq henz rij, ndaw ndoeng ndaem haujlai banjlanzgwnh, dung-yenz mehmbwk vat daemz cimq banjlanzgwnh guh romj, yungh romj nyumx baengz, dawz baengz roxnaеuz guhbaenz ndangdaenj Yauzcuz bae gwnz haw gai. “Baengzdoj caeuq ndangdaenj minzcuz gyoengq mehmbwk ndaw mbanj dou guh okdaеuj haenx dinfwngz ndei, baengz ndei, saek gyaеu, ndaejdaengz vunz-lai Yauzcuz yienh gih henzgyawj haenggyaез, miz mbanj lij dingq aen mingz ndei neix daеuj ndaw mbanj dingh guh senj cawx, doxgaiq ndei gai, mehmbwk ndaw mbanj baengh hangh neix youq ranz guh hong bi ndeu hix ndaej canh 2 fanh maenz doxhwnj.” Lij Siunen angqyangz naеuz.

Gojbuj Cunh ndaejdaengz Lij Siunen daiqlingx, youz mbanjungzhоj gaxgonq gaenq bienqbaenz mbanj-baenzmiz Yauzcuz daengx yienh mizmingz. De gonqlaeng ndaej bingz baenz yienh, si gaep “gungcanj-dangjyenz maenhndei” “bouxguhhong senhcin mehmbwk” “yinzda daiqbiuj cib ndei” nem swcigih, guekgya gaep “sam bet hungzgizsouj” daengj.